

Tutup tirai tahun 2013 dengan melakar berbagai-bagai sejarah gemilang

USIM menang 3 anugerah antarabangsa

Oleh AINAA MARDHIAH
MOHD. GHAZALI

utusanN9@utusan.com.my

SEREMBAN 24 Dis. - Universiti Sains Islam Malaysia (USIM) terus melakar sejarah gemilang pada tahun ini dan menutup tirai apabila memenangi tiga anugerah peringkat antarabangsa, baru-baru ini.

Tiga anugerah tertinggi itu - Best Regional University; Best Manager of The Years dan Best Scientist 2013 diterima daripada Europe Business Assembly (EBA) di London pada 16 hingga 19 Disember lalu.

Naib Canselor USIM, Prof. Datuk Dr. Asma Ismail berkata, USIM menerima anugerah Best Regional University atas peranan



UNIVERSITI SAINS ISLAM MALAYSIA
جامعة العلوم الإسلامية في ماليزيا
ISLAMIC SCIENCES UNIVERSITY OF MALAYSIA

penting yang disumbangkan oleh universiti ini dalam memperkasakan pendidikan Pengajian Islam di peringkat pengajian tinggi.

“Pada masa yang sama USIM menunjukkan kecemerlangannya sebagai sebuah ‘Universiti Islam’ yang mempunyai kekuatan dalam bidang pengajian sains, perniagaan dan perubatan.

“Selain USIM, anugerah tersebut



ASMA Ismail (empat dari kanan) bersama dekan-dekan USIM menunjukkan anugerah yang diterima daripada Europe Business Assembly di Bilik Canselori USIM, Nilai dekat Seremban, semalam.

turut dinobatkan kepada Universiti Teknikal Malaysia Melaka (UTeM) dan Universiti Malaysia Perlis (UniMAP),” katanya dalam sidang akhbar di Bilik Canselori USIM, Nilai dekat sini hari ini.

Menurut Asma, beliau turut dinobatkan sebagai penerima anugerah Best Manager of The Years yang diberi pengiktirafan oleh panel pemilihan EBA dalam majlis khas - Socrates Award Ceremony yang ber-

langsung di Dewan Bandaraya Oxford, London.

“Seramai 250 naib canselor dari 25 negara yang telah disenaraikan untuk menerima anugerah berprestij itu dan anugerah ini berkait rapat

dengan anugerah Best Regional University atas sumbangan yang diberikan kepada universiti.

“Anugerah ini secara tidak langsung memberi penghargaan kepada saya dalam membawa USIM sebagai

universiti yang ingin memelopori sains Islam secara berkesan di peringkat nasional mahupun antarabangsa,” katanya.

Sementara itu, katanya, USIM sekali lagi diberi pengiktirafan melalui anugerah Best Scientist 2013 dalam majlis berasingan anjuran EBA - Oxford Summit of Leaders Science & Education yang menghimpun lebih 300 pemimpin tinggi negara.

“Bagi anugerah ini, seramai 934 pencalonan yang disenaraikan dan pemilihan dibuat oleh 3,000 ahli EBA dan sektor universiti secara undian atas talian berdasarkan beberapa kriteria iaitu sumbangan dalam pembangunan ilmu sains, penyelidikan, kelestarian komuniti dan institusi, penerbitan jurnal berimpak, geran dan pengkomersialan produk inovasi,” katanya.

Menurut Asma, tiga anugerah yang diterima oleh USIM itu memberi gambaran yang amat positif dan jelas kepada kemampuan USIM untuk menjadi institusi akademik yang mampu bergerak seiring di dalam negeri mahupun luar negara.

Antara sumbangan besar Asma adalah melalui penghasilan kit yang dikenali sebagai ‘TYPHIDOT’ bagi mengesan demam kepialu yang telah dipasarkan dengan meluas ke 18 buah negara terutamanya negara miskin dan negara membangun.